

## Die Gagan Erzählung und die Einladung zu den Feierlichkeiten in Zaza

### Link:Gagan sero Silayiye

#### Gagan amo, xér amo !

Azayé komeluné maye Avrupa sera 1993 ra nat tédima her serre gaxan sakené.

#### Dostené !

Çiyo ke jü qomi saneno pé, payra ceno! Vinbiyayene ra xelesneno, dugelude dano naskerdene adet u toreyi, kulture yi Qomiyo. Adet u tore qomi desinde ho horé péda nébeno. Tarixe na adet u tore, Kulture qomi eve tengeni, zoroni tarix ra vejiné werte Werté qomu de giraneniya ho cené. Piyabiyayena Qomi de kulturé ma ana werte. Na kulturé Qome ma zon u zagon, Kinc u koll, senate,hardé welaté ho serro cayé ho guretene, itiqat u diyağ, adet u toré ho, hunermendeniya ho doskerdena. ardene hurendi.

Kılmek ra péro na adet u toreyi mileté ma ana péser, phoştdareni qomi kena qewrın. Qomé ma beno çip vinbiyayene ra xeleşino. Ene na kamiya kulturé ho, Qomuné binu ra ho çinena we. Weşiya ho ramena ave bena, bena dewlemend. Qomé ma eve adet u torewuné ho, kultur u zenata ho, ho doskena zere hode vilesnena ro. Qomé ma eve na zon u zagon, kultur, adet u toré ho, qomuné dorme hora ho birnena ra. Démake tarix, adet u tore jü qomi, dewlemendiya yi qomi ra ca'nébeno.

Naye ra gore ma besénékeme kulturo ke gola Désım, Kırmanciya beleke de esto, na kultur ra cabime!

Rew rew Gola Désım ra, hardo déwres u asmeno khéwe ra qalkeme!

Kulturo ke hardo dewreşi serde péda biyo, xeyle serru ma cıra béxevervime. Vinbiyayene de bi. Heni néviyené ma xeyle serru ra tepiya Khalo Gagan rewra Sakerdené/Şenkerdené onciya ki xeyle serru ra tepiya Hardé Désımi de, welatuné teveri de Khalo Gaxan şenkeme, mileté ma ame téare Piya sa'beme.

Khalo gaxan Désım de, Hardo déwres de çıxa ke zaf sa'nébiyo ki, ya ki zaf senık ardo ra ho viri şenkerdo, onciya tore Gagandi hata roza ewreyene ardo.

Khalo gagand zoné Désımızı de yeno mané serre vurnayene. Serra khane viarnéné ra, serra newiye ré sabené.

Şenkerdena Khalo gagan, Asma serra peyene, asma Gagani de beno.

Gagan de Mordemek Khal kéko. Porr u herdise sıpe wo, Camale ho zaf roştiyo.

Khalke ve domanura dewe de , suke de çé ve çé, çéver ve çéver fetelin,

Xevere dano miletı. çéveru cinené wayiré çéyi çéver keno ra, Khalkek vano, ‘ Gagan amo’, Wayiré çéyi vano, ‘ gagan amo, xérr amo’.

-Heté Qımqım u Xınıste Khal kek jü ki ciniya ho esta name ho Xeza, Khal kek, Xeze u domani piya xevere dané mleti.)

Khalke ve domanu ra heşte / hefte é çéwu feteline pars kené are, çimiye werdene u sımıtene, haki, seker, perre kené top. Heşte ra tepiya sondé sewa khane adır kené we, çimiyo ke kerdo top pozené, axme feqıru u békesu kené.

Serra newiye eve zefq u sefa ané ra.

Serra khane qedina, serra newiye siftekana, Pir ( Dewreşi) Ayın u cem giredané.

Şenkerdena gagan qedian.

Dosté Qıymetgırani!

Adet u toreyi ma phi, Khalık u pirikuné hora emanete gureta. Emanete dame Domanenu ho. Azo ke na kulturé mare wayır névejiya! O qom beno vind, werte ra darino we.

Ma gereke na emaneta phi, khalık u pirikuné ho ré xıyaneteni mekeme! Eke néwazene na kultur, adet u tore ma, kulturé mileté ma vindmebo!

Kunturé ma bine kulturné bınude mevileşiyo ra, cıré wayır bıvejime, qorıbıkeme.

Bıseveknimé, ave berime.

Ewro şenkerdena / sa'kerdeniya Gagandiya. Désımızu se serra ra ke şenkerda, sa'biyayena serra newiye Kulturé Désımı Zaza / Kırmanc de bınge gureto.

Gagan amo xér amo

Gagané sıma bımbarek vo!

Gagand bayramınız kutlu olsun!